

Mjesečne zarade predsjednika u regionu: Članovi Predsjedništva BiH rekorderi

Predsjednik Slovenije Borut Pahor ima najveću mjesečnu zaradu među kolegama iz regiona, dok najmanju prima njegov kolega iz Srbije Aleksandar Vučić.

Zarada predsjednika Slovenije na mjesečnom nivou, kako se navodi u njegovom imovinskom kartonu, iznosi 3.322 eura. Sa druge strane, njegov kolega iz Srbije Aleksandar Vučić mjesečno prihoduje čak tri puta manje. Vučić u ime obavljanja funkcije šefa države na mjesečnom nivou zarađuje 1.083 eura, što je najmanja predsjednička plata u regionu.

Više od 3.000 eura iznose mjesečna primanja hrvatske predsjednice Kolinde Grabar Kitarović, ali i članova Predsjedništva Bosne i Hercegovine, piše Pobjeda.

Prema podacima hrvatskog Povjerenstva za odlučivanje o sukobu interesa, Grabar Kitarović ima neto platu od 3.276 eura, dok članovi Predsjedništva Bosne i Hercegovine u prosjeku zarađuju 3.091 euro.

Prema podacima Centralne izborne komisije Bosne i Hercegovine, članovi Predsjedništva BiH Bakir Izetbegović, Dragan Čović i Mladen Ivanić primaju 2.862, 2.874 i 3.536 eura mjesečno.

Mjesečnu zaradu u iznosu od 2.873 eura prima i predsjednik Kosova Hašim Tači.

Prema na sajtu Agencije za sprečavanje korupcije Crne Gore još nisu objavljeni podaci o mjesečnim primanjima predsjednika Crne Gore Mila Đukanovića, poznato je da je njegov prethodnik na toj poziciji mjesečno zarađivao oko 2.420 eura, pa se zaključuje da toliko iznosi i Đukanovićeve mjesečne zarade.

Manje od 2.000 eura na mjesečnom nivou zarađuju predsjednici Albanije Ilir Meta, čija plata iznosi 1.425 eura i Makedonije Đorđe Ivanov, koji zarađuje 1.250 eura.

Ako se primanja šefova država uporede sa prosječnim platama u regionu, dolazi se do zaključka da svi oni mjesečno prihoduju daleko više od prosjeka u svojim zemljama.

Rekorderi su, ipak, predsjednik Kosova i trojica članova Predsjedništva Bosne i Hercegovine. Mjesečna plata Hašima Tačija gotovo osam puta je viša od prosječne plate na Kosovu, a Bakira Izetbegovića, Dragana Čovića i Mladena Ivanića sedam puta u odnosu na prosječnu zaradu u Bosni i Hercegovini.

Trostruko višu platu od prosjeka u svojim zemljama primaju predsjednici Hrvatske, Makedonije i Slovenije. Iako je plata predsjednika Srbije Aleksandra Vučića najmanja među kolegama iz regiona i on zarađuje duplo više u odnosu na prosječnu platu u Srbiji.

Prema zvaničnim podacima, najveće prosječne plate u regionu imaju Slovenija i Hrvatska, a najniže Makedonija i Bosna i Hercegovina, prenosi RTCG. (Fena)

60

SHARES

[Share on Facebook](#)

[Tweet](#)

-

-

[Follow us](#)

[_Share](#)

[_Share](#)

[_Share](#)

[_Share](#)

[_Share](#)

Date: 20-08-2018